

2019

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang :

- (i) Latthanv che hei kalangv padeih A, B, C khatnic D twna khaklangc pat re.
- (ii) Latthanv kaguayna zamh full marks nzat biak margin khou lyanlou e.
- (iii) Latthanv kaguayna daw nina e.

KALANGV-A

(LATCHYAM/PROSE)

1. Kabangc khou tiiloumei latbamv hei kabamv dincna piakna hy o. $6 \times 1 = 6$

(Explain with reference to the context :)

- (a) Meic guayna mav khou kamei rui phungc patloumei hei laanh the twna tisaamei na hamhna kangkai khou louna science tuang kathai kariangmei taanv guay ti-nthaekc khwan e.

Hamhethei

- (b) Mi hei meicpingmei ravpuat re. Mi ravpuat khourui duakpat khang khatnic ravzauc gay nuhmei thiak aseic nganv phungcpat ngam mak he.

2. **Kabangc khou tiilou bammei latthanv hei latkaeng 180-200 lungc khou daw o:** **6×1=6**

(a) Tabui zaeng rui Rani Gaidinliu taanvdwan guay hei Britishmei khang daihmei khaenghmei akhat re sa bam tu cho ?

Hamhethai

(b) Tabui sw tina aniu tuang haengvmei khou mpwan mphuam guang tu cho ?

3. **Kabangc khou thanv bammei latthanv guay hei latkaeng 20-25 lungc khou daw o:** **2×5=10**

(a) Zeliangrong People Convention (ZPC) lev Rani Gaidinliu tabui riang nai cho ?

(b) Maanseina tuang daicthaumei lauluangc khou Micheal Faraday rui tabui nkhavlou cho ?

(c) 'Ngamvzi' twmei duimei parylyan khou saa bammei hei thow tuang ngamvzi ta saa bam tu cho ?

(d) Zihchic daihmei zaytat bammei Miantiimej tei tabui sw khang cho?

(e) Chumhzihlung kangkai tat kanmei thei thangc kakai khou tabuibui pat kan cho ?

4. **Kabangc khou tiilou bammei latthanv guay hei latrian akhat khou daw o :** **1×3=3**

(a) "...thay nii how niimej lungning mbu thau e khatnic ramh thanh mbap nii guang e."

Karuc khou saa bammei latbamv hei maansej tuang tabui tingkwm ganv ta saa bam tw cho?

(b) Miantii khou lunghmei amaypui tei Miantii kailuangc tuang tabui biak khou lungc cho?

(c) "Mi hei nang pui nang pu phaen swna nang alauc douc kahawmei puat akhat re."

Mi latrian khou saa bammei hei tabui puat ta cho?

(LUCHYAM/POETRY)

5. **Kabangc khou tiilou bammei latlangv hei kabamv dincna piakna hy o.**
(Explain, with reference, to the context) : 6×1=6

- (a) Ningpat lak ge matyngna machak pwki,
Asaekc rui ningtyng mbu maansei makaamv sihnic,
Tyngtakh mbu meic ruc kuna taanv daih sin,
Meicpy meicgav sw ti' meic rui kakhuak khiuc,

Hamhethei

- (b) Tingsaeng ringhmei raenggaan e,
Nganaa lakmei nganvbamv chaenglwan e.

6. **Kabangc khou thanv bammei latthanv hei latkaeng 180-200 lungc khou daw o :** 6×1=6

- (a) Lungcsiimeipui ramrianraa R.K. Chingkhiuhlung rui lyanloumei tei hy pat ro.

Hamhethei

- (b) Lubuanneic rui kachwn kangui hamhmei kai mih khang kachwn swna twkumh latlu kan cho hy o.

7. **Kabangc khou tiiloumei latthanv guay hei latkaeng 20-25 dou piuna daw o :** 2×3=6

- (a) 'Meic laam ta lunggutna zauc bammei champanvle,
Adih howgay bo meic laam zauhmei?'
Mi latrian khou hymeil Lanbon rui tabui saa nii bam tu cho ?
- (b) 'Tikh ningmei akhat, san rui akhat'
Mi latrian rui tabui ta nkwanna saa nii tuang cho ?
- (c) Ntwan-tyang khou nap pou khang guangmei pui ta twkumh taanclou nina e twana Hukhyamlaeng rui saa cho ?

8. Kabangc khou latthanv hei latrian akhat khou daw o: 1×2=2

- (a) “Nkamhloumei tingkauh ningtyng tei tiilou khang,
Ney e Nang bamv khou...”
Hymeï rui thow khou tingkauh ningtyng ney bam tw’ cho?
- (b) “Kaganv kathuih thian makmei
_____ nang lwn kumc,”

Gaat bammei latkaeng hei luchyam khou rui hysuaklou o.

KALANGV – B (PAHMEI/READING)

9. Latdangv hei pac lana latthanv guay daw o :

“Bauhmei taanv taanhpuï paan rui aniu bauh tw e,” twna Aristotle rui katuang *Nicomachean Ethics* khou hylou e. Panty khou kunghmei, ngam lakmei twmei hei chadaana kachav sw pw’khou na rui ngam e. Aniu ta kapin karaammei ta athwngmei hei pingmei e tw khang maek ge. Mi tei zammei taanv hamh the, bauhmei taanv di the. Pingmei tho athwng makmei tei di the. Kum e cho tikiñ ngam lak nimeï lwn thay takhaanvna bauc the twna athwngmei tho zammei suangc sii ranv dat di he. Kum tina Americamei Novel hymeïpu Herman Melville tuang *Moby-Dick* khou hero Starbuck rui saa e, “Khav daihmei ta khat sihnic ping makmei mei tho atuang rungc khou tuangc nuh mak ge.” Mi rui dinhmei tho khav daihmei duipui khou nai e, maanseina rui ngam ni tuang hamh e. Ngam lak nimeï ta thayna ping makna athwng e thei tho suai makna ramhsic how pwni the tw tuang e. Mi kumhmei mei tei tho bauhmei mei hamhna zawsimeï khatnic theihmei phungc guang nimeï mei de.

Bauhmei mei twmei tho ramh khat na ta sihnic pingmei maekmei ta hamh e. Pingmei nai sihnic swangdwang maekpuï ganv khou zammei lwn swna kanningtyng paan rui nkhav ngammei azuh nic nai de. Mi kumhmei mei rui bauhmei mei khang suangc kage naipui ganv ni nai muay the. Kaganv lev kabamv chaana kanningtyng naina taanc patmei tei de meic guay rui lwanlou nuhmei twmei kiu! Kalingna bauh

makmei mei rui bauhmei taanv taanhmei tho charuangc, zaatc ta tikabiulou khang na di the. "Ping riu" twna gaanvkhat ta saa ngammei hei saa bammeipu tei duak nuhmei chaeng akhat nai de twmei thay nthan thiakmei rui saa tw de. Pingmei akhat rui gaanvkhat ta mi lat hei saa nuh mak ge. Ngamv naina kalam nchumhmei khang bauhmei mei tei tho zaykauh thaulou nina e.

A. Lathanv guay hei latkaeng 20-25 lungc khou daw o : 2×5=10

- (i) "Bauhmei taanv taanhpui paan rui aniu bauh tw e." Tabui saa tw cho hy o.
- (ii) Tabui zaeng rui hymeis rui zammei mei suangc bauhmei mei na rui sii ranv e saa bam tw cho?
- (iii) *Moby-Dick* tuang hero Starbuck rui tabui zaeng khav daihmei ta ping makmei guay katuang rungk khou tuangc nuh mak ge saa kan tw cho ?
- (iv) Bauhmei mei suangc zammei mei rui twkumhpui ganv khou kage nai cho ?
- (v) Thowkumhmei mei rui gaanvkhat ta "ping riu" twna saa nina cho ?

- B.**
- (i) Karuc khou tiiloumei latdangv khourui 'Adowmei' twmei latkaeng kabac lev nchamcmei phupat ro. 1
 - (ii) Latdangv khourui 'Charay' twmei achoumei kabac latkaeng hy pat ro. 1

10. Kabangc khou tiiloumei latdangv hei pac lana

- (a) Note kasiameh o. 5
- (b) Note khou tei rui *summary* hy o. 3

Kandih khou maanseina lunghmei lwan guay khou hei pumtan (energy) kage nai e. Mi hei neih khou rui patmei raana e. Asei daicthaumei zuk di the twna *electric* mai sinsw bammei, gari thou bammei kaguay hei neih khou rui laatowmei *energy* syn de. Ringhpaan naimeis panty guay hei neih khou ngangvlouna lungc e. Kum e

cho tiki ntaw tho nei khou rui hamhmei *energy* laatowmei bamv akhat nai the. Mi hei rui maansei kin azuh khou reyliangmei akhat re. Mi kiu-tho *atom* lungc khou naimei pumtan, *atomic energy* kaw bammei hei the.

Ramh kataa karaana hei *atom* rui kasiamhmei raana the. Nang nic, ai nic kaguayna *atom* khou rui raana e. How bammei kaguayna hei *atom* riakchakui dou na rui kasiamhmei tuang e. Kum khwan sihnic puatc tho riakchakui na hamh e. *English alphabet 26* na de tiki mi hiak guay hei duanc kariuna latkaeng padik kasiamh patmei kumc *atom* guay rui nic ramh padik kasiamh pat tuang e.

KALANGV-C (HYMEI/WRITING)

11. Kabangc khou tiiloumei lam khou *akhat* piakna latkaeng 80-100 dou khou hypat ro: 6×1=6

(a) Exam hy tat khang chamdaanvmei

(b) Haipou Zahduanang

12. (a) Nang class XII luaina pheybaan zuanhmei dukaan akhat dugh khang ning the. Nang rui kahawmei khatnic puiuhnac rui kahaw nime pwanrai tha guanglou khang Bengaluru khou naime M/S Chhetry & Sons Fashion House khou pwanrai order swmei tatdyn lwan akhat hy o. Nang zanc Pwanrainang twna hylou o. 6

Hamhethai

- (b) Ntaw ganv khou daicthau bammei chabwan guay rui meicrammei cinema zaucna aniu Ruangmei tuang hamhmei pwanrai thiak, kheyliak, latsav lusuan thiak khatnic taektu thiak aniu khou tatnah guangmei hei twkumh e thei *control* sw ngam ni cho twmei lam khou Zauzianna Thaimai rui 'Kamvbui Chamv' tuang nzangmei (editor) khou tatdyn akhat hy e. Mi tatdyn kiu kalwan nchumhna hypat ro.

Hamhethai

- (c) Gaydincliu Memorial Hr. Secondary School, Tazei khou Assistant Librarian tuang taanvbamv tiilou khang school tuang Principal khou nang tuang *bio-data* kazauhmei taanvdui taldyn akhat hy o. Nang zanc Lwmgaypou Rwangmei twna hylou o.
13. (a) Tamenglong-Imphal kak khou Helicopter Service tat bammei ta nang rui howlouna nang twkumh ning cho twmei nang chwn ndauhna latkaeng 100 – 150 lungc khou hypat ro. 8

Hamhethai

- (b) Kabangc khou tiiloumei latbamv hei tiiloumei ***Outlines*** sinswna Essay latkaeng 180-200 lungc khou hy o:

(i) Social Media

[***Outlines: Kahouhmei – Kage naime – Nchamnac akhat khang gaengmei khatnic kabiumei – Twkumh piu nina- luailoumei***]

Hamhethai

(ii) Ruangmei Ntumei

[***Outlines: Kahouhmei – Pouh-peih ganv khou ntumei – Ntaw ganv khou ntumei – zaatc kasiamei khou ntumei thouc – luailoumei***]

KALANGV – D (LATRIAK/GRAMMAR)

14. (a) “Nkhucmei hei khiangh mak ge.”
Mi latrian khou nwkwang khwan naime latkaeng hy pat ro. 1
- (b) ‘Ting zowmei ramzou hei katumc hak ge.’
Mi latrian khou ‘ramzou’ hei tabui khwangwan cho? 1
15. (a) “Bauhmei na rui rihngam tuang hamh e.”
Mi latrian khou tabui latkaeng tei Abstract Noun cho? 1
- (b) ‘Kamei bam de.’
Mi latrian khou verb taanv swmei latkaeng kapah pat ro. 1
- (c) ‘Nangniw adaeng khou bam ri o.’
Mi latrian khou ‘nangniw’ twmei hei tabui part of speech cho? 1

16. (a) Ruanglat khou 'lau' lev 'tatmei chaeng' ta compound word khou twkumh hy cho? 1
- (b) 'Gay' khou 'ram' prefix swna Noun latkaeng kasiameh e. Mi latkaeng kiu hy pat ro. 1
17. (a) "Kahyang mbamvmeipu tei guang the."
Mi latrian khou rui Latchuam (Phrase) hy pat ro. 1
- (b) Mi chalahmei latrian (Simple sentence) nei hei 'pwkhou' twmei latkaeng piuna Alamvmei Latrian (Complex Sentence) khou hy pat ro. 1
- (i) Tingzyn key the.
- (ii) Kaniw zaengsw the.
18. **Tiiloumei latrian khou rui nchoumei latpaa hy pat ro:** 1×2=2
- (a) Si-guak nruaihmei hei syan guangmei chaeng gaymei akhat re.
- (b) Pumh gay nuh khang tho tu-zangv chuy nina e.
19. **Tiiloumei latthiap khou rui kabah patmei latrian hy pat ro:** 1×2=2
- (a) kambui charaimei
- (b) duikey maikeymei
20. **Tiiloumei ningtyng latchap kabac tabui cho hy pat ro:** 1×2=2
- (a) Chaeng raan baa thing ri o.
- (b) Lwmsiimei guhtam sow e.